



## **Datgelu Hysbysfwrdd** **Ffin Hynafol Onennau Meigion (Six Ashes)**

Dadorchuddir hysbysfwrdd ar Ddydd Sadwrn, Mawrth 3ydd, 2018 ger yr A458 yn *Six Ashes*, hanner ffordd rhwng Bridgnorth a Stourbridge. Mae'n nodi safle'r hen ffin - Onennau Meigion - ac fe'i lleolir ger tafarn *Six Ashes* ar y ffin rhwng Swydd Amwythig a Swydd Stafford.



Comisiynwyd yr hysbysfwrdd gan Gymdeithas Owain Glyndŵr i bwysleisio cysylltiadau'r ardal gyda Chymru, ac ymgyrch Glyndŵr yn arbennig. Awgrymodd awdur lleol, Martin Wall, byddai'n syniad i dynnu sylw at y man fel y safle lle, yn ôl proffwydoliaeth Myrddin, byddai'r Eryr Mawr yn casglu'i filwyr o Gymru. Mae'n debygol mae yn yr ardal hon y bu'r frwydr lle bu Cadwallon ap Cadfan (Brenin Gwynedd) yn fuddugol yn erbyn Penda o'r Mers yn y seithfed ganrif.

Dyma oedd cyrchnod Owain Glyndŵr a'i filwyr wrth iddynt deithio trwy dde Cymru ar eu ffordd i frwydro yn erbyn Harri IV, ond daeth byddin Harri i'w rhwystro yn Woodbury Hill, ger Caerwrangon, a daeth terfyn i ymgyrch Owain yn yr ardal. Bwriad Owain Glyndŵr's oedd i drechu Harri ac yna rhannu Cymru a Lloegr yn dair yn ôl disgrifiad *Y Cytundeb Tridarn*. Teulu Mortimer oedd y mwya' pwerus yng ngwlad Y Mers, ac roedd gan nai Edmwnd well hawl ar goron Lloegr na Harri.

Y gobaith yw bydd yr hysbysfwrdd yn creu diddordeb yn y rhan hon o'n hanes ac, er bod yr onnenau gwreiddiol ger y dafarn wedi'u llorio flynyddoedd yn ôl, cymerwyd toriadau a'r rhain dyfodd i lawn faint fel y gwelwn ar y safle heddiw. Mae nifer o lwybrau yn yr ardal ac mae'r rhain yn gyfrwng i ddod i adnabod yr ardal yn well.

**\* Dadorchuddir ar Ddydd Sadwrn, Mawrth 3<sup>ydd</sup>, 2018 ar hanner dydd.**  
**(Côd post: WV15 6EJ)**